



SAVEZ OPĆINA I GRADOVA
FEDERACIJE BOSNE I HERCEGOVINE
Association of municipalities and cities of the FBiH

GODINA: XII

BROJ: 202

DATUM: 15.05.2015.GODINE



Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja
fax: + 387 33 552 810
selma@sogfbih.ba

• FINANSIJSKO SAVJETOVALIŠTE:

Nermin Fatkić, viši saradnik za finansijska pitanja
fax: + 387 33 552 810
nermin.fatkić@sogfbih.ba

Sadržaj biltena:

Održan sastanak načelnika sa poslanicima u Parlamentu FBiH

Zaključci sa seminara "Iskustva u primjeni Zakona o stvarnim pravima FBiH sa posebnim fokusom na pravni režim nekretnina"

Općina Jajce već treću godinu podržava samozapošljavanje u oblasti poljoprivrede i obrta

Potpisan Memorandum o razumjevanju između šest saveza općina iz jugoistočne Evrope

Budžet Općine Kakanj za protekle dvije godine skoro udvostručan

Federacija na optuženičkoj klupi

Općina Jajce zaposlila 20 pripravnika

Rekonstrukcija postojanja za prečišćavanje otpadnih voda u Gradačcu

Ostvaren iskorak ka zajedničkoj turističkoj ponudi Jajca i Mrkonjić Grada

Potpisan ugovor o izgradnji kanalizacijskih kolektora u Tomislavgradu

U Doboju Jugoslavci volonterskom akcijom obilježili Dan Planete

Održana višednevna radionica o ulozi žena u politici jugoistočne Evrope

Objavljene konačne rang liste po osnovu Javnih poziva - LOD IV

Otvoren treći poziv za prijavu projekata u okviru prekograničnog programa BiH - Srbija

Poziv za nominaciju gradova za međunarodnu nagradu "Svjetski grad"

Bilten Saveza općina i gradova Federacije Bosne i Hercegovine

ODRŽAN SASTANAK NAČELNIKA I GRADONAČELNIKA SA POSLANICIMA U PARLAMENTU FEDERACIJE BIH

Poslanici i delegati oba doma Parlamenta Federacije Bosne i Hercegovine i predstavnici Saveza općina i gradova FBiH (načelnici i gradonačelnici), 20. aprila/travnja su u Sarajevu održali sastanak o mogućim oblastima i modalitetima saradnje na izradi i razmatranju pravnih propisa od posebnog značaja za jedinice lokalne samouprave.

Na skupu, koji je održan u zgradi Parlamenta Federacije BiH, ocijenjeno je da je saradnja Parlamenta FBiH i Saveza općina i gradova FBiH posebno značajna u procesu uspostave poticajnog okruženja za razvoj jedinica lokalne samouprave te je predloženo niz aktivnosti u cilju poboljšanje te saradnje.

Oba doma Federalnog parlamenta, kako je istaknula predsjedateljica Doma naroda Parlamenta FBiH Lidija Bradara, dužni su pružiti podršku Savezu općina i gradova Federacije BiH kako bi zajedničkim naporima osigurali kvalitetniji razvoj lokalnih zajednica kao jedno od temeljnih vrijednosti našeg ustavnog poretka i društva. Bradara je istaknula da je problem lokalnih zajednica što nemaju ovlasti i kapaciteta za rješavanje pitanja od važnosti jer su ovlasti prenesene na razinu županija.

„U okviru Komisije za lokalnu samoupravu Predstavničkog doma Parlamenta FBiH ovaj susret vidimo kao priliku kako bi se zastupnici i izaslanici, te predstavnici političkih stranaka upoznali o aktuelnim pitanjima iz oblasti koje zahtijevaju donošenje propisa od posebnog značaja za razvoj lokalnih zajednica“, kazao je zamjenik predsjednika Predstavničkog doma PFBiH Saša Mitrović.

„Konačno smo otvorili sastanak o ovom pitanju pri kojem treba izbjeći rasprave o krivicama, odnosno uspostaviti saradnju. Do sada smo imali 60 zakona za koje smo mogli pokrenuti ocjenu ustavnosti pred Ustavnim sudom FBiH. Umjesto toga predložili smo prijedlog Sporazuma o saradnji kako bismo donosili zakone za uspostavu boljeg ambijenta u Federaciji BiH“, kazao je potpredsjednik Predsjedništva Husejin Smajlović SOGFBiH.

Po njegovim riječima, u lokalnim zajednicama trenutni problemi su u turističkim zajednicama, u raspodjeli javnih prihoda te u oblasti šuma.

Direktorica Saveza općina i gradova FBiH Vesna Travljanin, koji predstavlja interese svih općina i gradova u Federaciji BiH, istaknula je što Ustav BiH ne jamči prava na lokalnu samoupravu „zbog toga je Savez još 2009. u okviru projekta „Ustavna reforma - javne debate u lokalnim zajednicama“ donio prijedlog amandmana koji su dostavljeni Skupštini BiH koja u prošlom sazivu to nije usvojila“, dodavši kako je tijekom 2013. godine pokrenuta aktivnost na potpisivanju sporazuma o suradnji s Parlamentom FBiH, ali se nije finaliziralo. Iz tog razloga, na sastanku je predloženo, između ostalog da komisije za lokalnu samoupravu u oba doma Parlamenta FBiH zajedno sa Savezom općina i gradova FBiH zajednički usaglase Sporazum o saradnji kojim će se utvrditi modaliteti buduće saradnje.

Također, informacije o prioritetnim oblastima za donošenje propisa od interesa za ekonomski razvoj lokalne samouprave, a koje su prezentirane na današnjem sastanku, bit će dostavljene svim zastupnicima i zastupnicama te delegatima i delegatkinjama oba doma Parlamenta FBiH, u cilju osiguranja kvalitetnog razmatranja nacrta i prijedloga zakona pred ovim Parlamentom.

Ovaj radni sastranak organiziran je uz pomoć Projekta jačanja institucija vlasti i procesa (SGIP), kojeg finansira USAID i Projekta unapređenja lokalnog razvoja (GOLD), kojeg finansiraju USAID i Sida. S njihove je strane izražena spremnost dalje podrške u razmatranju i izradi propisa od značaja za socio-ekonomski razvoj lokalne samouprave u Federaciji BiH.





SAVEZ OPĆINA I GRADOVA
FEDERACIJE BOSNE I HERCEGOVINE
Association of municipalities and cities of the FBiH



USAID
OD AMERIČKOG NARODA



PROJEKAT UNAPREĐENJA LOKALNOG RAZVOJA
(GOLD)

ZAKLJUČCI SA SEMINARA „ISKUSTVA U PRIMJENI ZAKONA O STVARNIM PRAVIMA FEDERACIJE BiH SA POSEBNIM FOKUSOM NA PRAVNI REŽIM NEKRETNOSTI“

Savez općina i gradova Federacije Bosne i Hercegovine je uz podršku USAID Sida projekta unapređenja lokalnog razvoja (GOLD) u periodu od 16. do 21. aprila/travnja 2015. godine organizirao tri seminara na temu „Iskustva u primjeni Zakona o stvarnim pravima Federacije BiH sa posebnim fokusom na pravni režim nekretnosti“. Na seminarima je predstavljeno nekoliko tema iz Zakona o stvarnim pravima Federacije BiH („Službene novine Federacije BiH br. 66/13“), a koje se odnose na



Sa seminara održanog u Tuzli

nekretnosti, nova rješenja i prelazne i završne odredbe ovog zakona.

Predavači na seminarima su bili prof. dr. Meliha Povlakić i Maida Bećirović, pomoćnik direktora u Agenciji za unapređenje stranih investicija u BiH, a isti su održani u Konjicu, Tuzli i na Vlačiću. Seminarima su prisustvovala 93 predstavnika jedinica lokalne samouprave iz Federacije BiH. Na osnovu prezentacija i diskusije, usvojeni su slijedeći zaključci:

- Potrebno je Vladi Federacije BiH ponovno uputiti inicijativu za usaglašavanje Zakona o građevinskom zemljištu sa Zakonom o stvarnim pravima;
- Potrebno je Federalnom ministarstvu pravde uputiti inicijativu za izmjenu čl. 4. i 5. Pravilnika o postupku javnog konkursa za raspolaganje nekretnostima u vlasništvu Federacije BiH, kantona, općina i gradova, („Službene novine Federacije BiH br. 17/14“);
- Razmotriti i početi sa zasnivanjem prava građenja kao stvarnog prava na tuđoj stvari propisanog Zakonom o stvarnim pravima.

KORISNI LINKOVI ZA PREDPRISTUPNE FONDove EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmemed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

OPĆINA JAJCE VEĆ TREĆU GODINU PODRŽAVA SAMOZAPOŠLJAVANJE U OBLASTI POLJOPRIVREDE I OBRTA



U Općini Jajce, 12. maja/svibnja, načelnik Općine Jajce, Edin Hozan potpisao je ugovore o sufinansiranju samozapošljavanja sa 30 korisnika. Riječ je o finansijskoj podršci na bespovratnoj osnovi za samozapošljavanje nezaposlenih lica, a u koju svrhu je iz Budžeta Općine Jajce za 2015. godinu izdvojeno 120.000,00 KM.

Riječ je o Projektu sufinansiranja samozapošljavanja u oblasti poljoprivrede i obrta koji se već treću godinu nastavlja. Vrijednost svakog pojedinačnog ugovora iznosi

3.500 KM za samozapošljavanje u poljoprivredi i 5.000 KM za sufinansiranje u oblasti obrta. Ova sredstva predstavljaju stimulaciju korisniku za uspostavljanje i obavljanje samostalne djelatnosti. Program ima za cilj potporu poljoprivredi i ruralnom razvoju kao i razvoju zanatstva i malih preduzeća. Kroz jednogodišnje sufinansiranje Općina pomaže u pokretanju malih obrta i zapošljavanju, posebno vodeći računa kako o mladima, tako i o licima koja se nalaze pred ostvarivanjem prava na penzionisanje, a nedostaje im koja godina staža. „U predhodne dvije godine izdvojili smo 150.000,00 KM i podržali 40 korisnika. Projekat se pokazao opravdanim pa je Općina ove godine povećala sredstva za ove svrhe u želji da se razviju mala preduzeća i da podrška razvoju poljoprivrede“, istakao je načelnik Općine Jajce Edin Hozan.

Samozapošljavanje u poljoprivredi i malom biznisu podrazumjeva poticajna sredstva za registraciju poljoprivrednih gazdinstava i malog biznisa za nezaposlene osobe koje imaju osnovne pretpostavke za bavljenje istim. Korisnici sredstava obavezuju se da će samostalnu djelatnost obavljati najmanje dvanaest mjeseci i za taj period izvršavati redovne poreske obaveze.



Grb Općine Jajce



POTPISAN MEMORANDUM O RAZUMIJEVANJU IZMEĐU ŠEST SAVEZA OPĆINA JUGOISTOČNE EVROPE



Sa potpisivanja Memoranduma o razumijevanju

U okviru „Energetskih dana u Podgorici“ koji su se održali u periodu od 21.04. do 25.04.2015 u Podgorici, u organizaciji Glavnog grada Crne Gore i Njemačkog društva za međunarodnu suradnju (GIZ), uz podršku Otvorenog regionalnog fonda za Jugoistočnu Evropu za energetska efikasnost, šest saveza općina Jugoistočne Evrope potpisalo je Memorandum o razumijevanju u okviru regionalnog projekta „Energetska efikasnost u udruženjima općina“.

Potpisnici sporazuma su savezi općina i gradova iz Crne Gore, Bosne i Hercegovine (FBiH i RS-a), Srbije,

Makedonije i Kosova. Projekat ima za cilj jačanje kapaciteta regionalnih saveza općina u smislu podrške lokalnim samoupravama u implementaciji aktivnosti u oblasti energetske efikasnosti. Ambasador Njemačke u Crnoj Gori Gudrun Elibazet Štajnaker saopštila je da je za Njemačku energetska efikasnost politički cilj, zbog čega je ova zemlja godinama podržavala programe u Jugoistočnoj Evropi.

Menadžer njemačkog regionalnog fonda za Jugoistočnu Evropu GIZ Dubravka Bošnjak saopštila je da je projekat odobren u septembru prošle godine i trajće do maja 2016. godine. „Imamo naznaka da će rok biti produžen do juna 2016. godine. Ukupna bruto vrijednost projekta je 450.000 eura. Generalno smo se dogovorili da ćemo zajedno raditi na jačanju kapaciteta iz oblasti energetske efikasnosti“, rekla je Bošnjak.

U okviru projekta „Energetska efikasnost u zajednicama općina“ već su ostvareni značajni rezultati kroz finansiranje pilot projekata i kroz razvoj Mape puta za jedinice lokalne samouprave u zemljama Jugoistočne Evrope.

*Projekat ima za cilj
jačanje kapaciteta
regionalnih saveza općina
u smislu podrške lokalnim
samoupravama u
implementaciji aktivnosti
u oblasti energetske
efikasnosti.*

BUDŽET OPĆINE KAKANJ ZA PROTEKLE DVIJE GODINE SKORO UDVOSTRUČEN



Bez obzira na brojne poteškoće koje su se ogledale u smanjenju priliva sredstava sa viših nivoa vlasti, Općina Kakanj je tokom 2014. godine uspjela ostvariti stabilizaciju Budžeta, te redovno izvršavati svoje obaveze, što je rezultat kontinuirane štednje, racionalne potrošnje i angažmana općinske izvršne vlasti u ostvarenju vlastitih općinskih prihoda.

U 2014. godini u potpunosti su realizirana socijalna davanja, redovno su isplaćene stipendije za učenike i studente, redovno su izvršavane obaveze u pogledu stimulativnog zapošljavanja pripravnika, realizirana su značajna

ulaganja u infrastrukturu, osigurane su brojne povlastice za investitore...

Najveći uspjeh ogleda se u tome što je Općina Kakanj u 2014. godini ostvarila višak prihoda nad rashodima u iznosu od 108.700,98 KM, što je rijedak slučaj u BiH kada se u obzir uzmu svi nivoi vlasti.

Ukupno izvršenje Budžeta Općine Kakanj za 2014. godinu iznosilo je 16.748.052 KM i veće je za 31% u odnosu na 2013. godinu kada je izvršenje iznosilo 12.719.247 KM.

“Za dvije godine uspjeli smo povećati Budžet Općine Kakanj sa 12.719.247 KM koliko je iznosilo izvršenje za 2013. godinu na 22.715.602,93 KM koliko iznosi planirani Budžet za 2015. godinu. Mi očekujemo veoma visok procenat izvršenja i ovogodišnjeg Budžeta”, rekao je načelnik Općine Kakanj Nermin Mandra.



Grb Općine Kakanj

FEDERACIJA NA OPTUŽENIČKOJ KLUPI?

Tekst objavljen u listu „Novo vrijeme“ od 10.04.2015. <http://novovrijeme.ba>

Piše: Ibro Čavčić

Iz Saveza općina i gradova FBiH (SOGFBiH) najavljena je tužba protiv Federacije BiH. Razlog: otplaćivanje kreditnih zaduživanja Federacije BiH kod Međunarodnog monetarnog fonda (MMF) u kojem učestvuju 80 općina. Drugim riječima, općine otplaćuju “tuđe” kredite, od kojih nemaju nikakve koristi.

Već duže se provode aktivnosti oko rješavanja problema s kojim se susreću jedinice lokalnih samouprava u Federaciji Bosne i Hercegovine, no, bezuspješno. Stoga je iz Saveza općina i gradova Federacije BiH, kao sljedeći korak, najavljena tužba protiv Federacije BiH. Novo vrijeme saznaje da je aktivnost pripreme tužbe u finalnoj fazi te da će tužba protiv Federacije Bosne i Hercegovine uskoro biti podignuta.

Prema Zakonu o dugu, zaduživanju i garancijama FBiH, jedinice lokalne samouprave dužne su učestvovati u isplati kredita. No, kako su općine posljednje u prioritarnosti hijerarhiji, nakon entiteta i kantona, novac od MMF-a do općina gotovo i ne dolazi. Iz Saveza tvrde da su općine zbog vraćanja kredita samo u 2013. godini oštećene za više od 18 miliona konvertibilnih maraka.

Općepoznato zaduživanje FBiH kod Međunarodnog monetarnog fonda, koje se aktualiziralo i prošle sedmice čim je imenovan novi saziv Vlade Federacije BiH, odnosi se samo na popunjavanje budžetskih rupa. Tako je bilo i 2010. godine od kada datiraju problemi oko otplate duga MMF-u, tačnije otkako je zaključen stand-by aranžman između Bosne i Hercegovine i Međunarodnog monetarnog fonda.

S obzirom na to da općine ne učestvuju u trošenju kredita MMF-a, niti ga koriste, pokrenutim aktivnostima Savez želi postići izuzimanje općine od otplate federalnog duga. Kako Novo vrijeme saznaje, ovog trenutka najizvjesniji postupak je onaj koji je usmjeren na ustvrđivanje štete, odnosno postupak koji će za cilj imati naknadu cjelokupne štete koja je pričinjena jedinicama lokalnih samouprava.

Prethodna vlada FBiH se oglašila na opomenu pred tužbu kojom je Savez općina i gradova FBiH skretao pažnju na problem s kojim se susreću općine u većem bh. entitetu. Bivši premijer Federacije BiH Nermin Nikšić (SDP), te bivši federalni ministar finansija Ante Krajina (HSP), od Saveza su zaprimili opomenu pred tužbu na koju su se oglašili, smatrajući da se ti problemi ne moraju nužno rješavati za vrijeme njihovog mandata. Tako je i bilo, bivši premijer Nikšić i ministar Krajina su otišli sa svojih funkcija, ali su problemi dočekali imenovane u novom sazivu Vlade Federacije BiH.

U Savezu općina i gradova FBiH su svjesni ove činjenice. Iz tih razloga će eventualno biti predviđen dodatni period kako bi nova vlast, odnosno Vlada Federacije BiH, u aktuelnom sazivu nakon imenovanja, imala na raspolaganju određeno vrijeme da se upozna s problemom i da se odredi je li zainteresirana da pristupi rješavanju ovog problema ili ne, saznaje Novo vrijeme.

Ismet Velić, advokat koji zastupa Savez općina i gradova FBiH u ovom postupku, za naš list je kazao da, s obzirom na to da nije uslijedila očekivana reakcija iz Vlade Federacije BiH, ostaje aktuelna aktivnost da se konkretno pristupi izradi i podizanju tužbe.

“Aktivnost pripreme tužbe je u finalnoj fazi, tako da će u skorijem periodu sve biti konkretizirano i ta tužba će biti podignuta”, kazao je Velić, dodavši da je situacija takva da je svoju kulminaciju doživjela u vrijeme kad je već trebalo doći do smjene vlasti.

“Uvažavajući činjenicu promjene vlasti, to zaista jeste značajan trenutak koji ima utjecaja, no, ipak se predviđa vrijeme i mogućnost da se Vlada Federacije BiH upozna s ovim i zauzme stav”, dodaje Velić.

Prilikom usvajanja budžeta protekle sedmice, premijer Federacije BiH Fadil Novalić je istakao da usljed povećanog servisiranja duga postoji višak rashoda u odnosu na prihode – u iznosu od 684 miliona KM. Zbog neravnoteže platnog bilansa, odnosno nemogućnosti servisiranja svih obaveza, dodao je da će novi aranžman s međunarodnim finansijskim institucijama biti neophodan. Završavajući svoje obraćanje, te “opravdavajući” potrebe za novi aranžman s MMF-om, zaključio je da je “budžet socijalni, a ne razvojni”.

04. NOVO VRIJEME AKTUELNO PETAK, 10. APRIL 2015.

NAČELNICI OPĆINA SAGLASNI OKO TUŽBE



Federacija na optuženičkoj klupi?

Iz Saveza općina i gradova FBiH (SOGFBiH) najavljena je tužba protiv Federacije BiH. Razlog: otplaćivanje kreditnih zaduživanja Federacije BiH kod Međunarodnog monetarnog fonda (MMF) u kojem učestvuju 80 općina. Drugim riječima, općine otplaćuju “tuđe” kredite, od kojih nemaju nikakve koristi.

Savez općina i gradova FBiH (SOGFBiH) najavljena je tužba protiv Federacije BiH. Razlog: otplaćivanje kreditnih zaduživanja Federacije BiH kod Međunarodnog monetarnog fonda (MMF) u kojem učestvuju 80 općina. Drugim riječima, općine otplaćuju “tuđe” kredite, od kojih nemaju nikakve koristi.

Savez općina i gradova FBiH (SOGFBiH) najavljena je tužba protiv Federacije BiH. Razlog: otplaćivanje kreditnih zaduživanja Federacije BiH kod Međunarodnog monetarnog fonda (MMF) u kojem učestvuju 80 općina. Drugim riječima, općine otplaćuju “tuđe” kredite, od kojih nemaju nikakve koristi.

KORISNI LINKOVI ZA PREDPRISTUPNE FONDVE EU:

www.southeast-europe.net
www.adriaticapabc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmemed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

S obzirom na to da općine ne učestvuju u trošenju kredita MMF-a, niti ga koriste, pokrenutim aktivnostima Savez želi postići izuzimanje općine od otplate federalnog duga.



NOVO VRIJEME 05

PETAK, 10, APRIL 2015

"Uvažavajući činjenicu promjene vlasti, to zaista jeste značajan trenutak koji ima utjecaja, no, ipak se predviđa vrijeme i mogućnost da se Vlada Federacije BiH uporno s ovim i razumne stvari", dodaje Veljić.

[illegible]

“Kod ovog problema postoji mogućnost vođenja više različitih postupaka. Ako bi opredjeljenje bilo da se ide na ustvrđivanje neustavnosti određenih zakonskih odredbi, onda bi to bili postupci pred Ustavnim sudom, ili ako bi bilo tako pitanje povrede prava na lokalnu samoupravu, i to bi bio odgovarajući postupak pred Ustavnim sudom Federacije BiH”, istakao je advokat Ismet Velić.



“Kad je riječ o ovom kreditu, odnosno o kreditnim sredstvima od Međunarodnog monetarnog fonda, ona u ovom slučaju definitivno nisu korištena na spomenuti način, niti su korištena za potrebe jedinica lokalne samouprave, dakle, to su sredstva koja su direktno iskorištena za realiziranje i saniranje obaveza koje ima Federacija po osnovu, između ostalog, za obaveze koje se imaju prema zaposlenicima u federalnim ustanovama i institucijama i tako dalje”, istakao je Velić, dodavši da su jedinice lokalne samouprave u

Načelnici uglavnom saglasni

Nadležnici i drugih općina iz Federacije Bosne i Hercegovine su manje-više saglasni s kolegom iz Bihaća, a ističu da je odnos viših nivoa vlasti prema rijima kontinuirano nepoštivan. Navode da se to mora promijeniti, uzimajući u obzir da su lokalne zajednice u direktnom kontaktu s građanima.

"Vi znate da se u principu sve odvija u lokalnim zajednicama. Gdje se puni bazičel nego u lokalnim zajednicama, gdje se odvija život - odvija se u lokalnim zajednicama; ali sam također svjestan da je ovo komplicirana zemlja, finansijski mnogo skupa. Zemlja koja ima dva ermiteta. Distrikt Bečko, deset karantona. Ito nas vraća na stariju problema", navodi narodnik Općine Ribar Emanuel Golobčič na Njivo vrijeme.

Nabednik Općine Novi Grad Sarajevo Semir Elenić za Oslobođenje je istakao da nema precizne podatke koliko je Općina oštećena vraćanjem kreditnih dugova.

došla s ovim sredstvima, ali kao i druge općine, ubravljanjem u njegovoj optuzi je čemo im se pridruživati kad se radi o politici. Nemarno podatke koliko je Općina oštećena i znamo da je do njih gotovo nemoguće doći. Od ministra finansija Karima Sanjago Muhameda Konradu čuli smo da ministarstvo finansija BiH pravi različite finansijske akcije kako bi sakupilo precizne podatke koliko akcija ide na optuzu duga za kredite i u šta su ti krediti potrošeni", istakao je Ilićević.

“Vi znate da se u principu sve odvija u lokalnim zajednicama. Gdje se puni budžet nego u lokalnim zajednicama, gdje se odvija život – odvija se u lokalnim zajednicama; ali sam također svjestan da je ovo komplicirana zemlja, finansijski mnogo skupa. Zemlja koja ima dva entiteta, Distrikt Brčko, deset kantona, što nas vraća na suštinu problema”, navodi načelnik Općine Bihać Emdžad Galijašević za Novo vrijeme.

"Aktivnost pripreme tužbe je u finalnoj fazi, tako da će u skorijem periodu sve biti konkretizirano i ta tužba će biti podignuta", kazao je Velić."

"Kod ovog problema postoji mogućnost vođenja više različitih postupaka. Ako bi opredjeljenje bilo da se ide na ustvrđivanje neustavnosti određenih zakonskih odredbi, onda bi to bili postupci pred Ustavnim sudom, ili ako bi bilo pitanje povrede prava na lokalnu samoupravu, i to bi bio odgovarajući postupak pred Ustavnim sudom Federacije BiH"

Načelnik Općine Novi Grad Sarajevo Semir Efendić za Oslobođenje je istakao da nema precizne podatke koliko je Općina oštećena vraćanjem kreditnih dugova.

"Do sada Općina Novi Grad nije imala nikakvog dodira s ovim sredstvima, ali kao i druge općine, učestvujemo u njegovoj otplati te ćemo im se pridružiti kad se radi o tužbi. Nemamo podatke koliko je Općina oštećena i znamo da je do njih gotovo nemoguće doći. Od ministra finansija Kantona Sarajevo Muhameda Kozadre čuli smo da ministarstvo finansija FBiH pravi različite finansijske akrobacije kako bi sakrilo precizne podatke koliko novca ide na otplatu duga za kredite i u šta su ti krediti potrošeni", istakao je Efendić.

OPĆINA JAJCE ZAPOSILA 20 PRIPRAVNIKA

JAJCE, 8. maj/svibanj – Općina Jajce u mjesec maj ušla je sa 20 novih volontera koji će u narednih dvanaest mjeseci u općinskim službama, javnim preduzećima i ustanovama sticati pripravnički staž, javljaju iz Kabinete Općinskog načelnika Jajce.

U posljednjih pet godine Općina Jajce je, u okviru projekata zapošljavanja volontera, uposlila gotovo 70 mladih ljudi sa visokom stručnom spremom, višom školskom spremom i lica koja su završila studij po bolonjskom programu.

Riječ je o nezaposlenim mladim ljudima sa visokom i višom stručnom spremom koji su se nalazili na evidenciji Biroa za zapošljavanje. Ugovore o radu sa volonterima potpisao je Načelnik Općine Jajce Edin Hozan zaželjevši im uspješan rad u Općini Jajce.

Volonteri će biti raspoređeni po općinskim službama, javnim ustanovama i preduzećima u zavisnosti od profesije, a projekat finansira Općina Jajce. Po završetku volonterskog rada, koji traje godinu dana, svi uposleni po ovom osnovu stiču pravo polaganja ispita općeg znanja, odnosno državnog ispita, što otvara mogućnost prijavljivanja na konkurse sa jednogodišnjim radnim iskustvom.



KORISNI LINKOVI ZA PREDPRISTUPNE FONDove EU:

www.southeast-europe.net
www.adriaticpacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmemed.eu
www.tacso.org
www.euroinfocenter.ba
www.balkanfund.org
www.eurelmed.com
www.eacea.ec.europa.eu

Ukupna vrijednost projekta rekonstrukcije prečišćivača otpadnih voda iznosi 2.643.610 KM, a od toga Češka razvojna agencija ulaže 2.080.000 KM dok će ostala sredstva obezbijediti općina Gradačac.

REKONSTRUKCIJA POSTROJENJA ZA PREČIŠĆAVANJE OTPADNIH VODA U OPĆINI GRADAČAC

GRADAČAC, 22. april/travanj – U Gradačcu je danas potpisan Memorandum o razumijevanju kojim je počela realizacija projekta "Rekonstrukcija postrojenja za prečišćavanje otpadnih voda u općini Gradačac".

Memorandum su potpisali ambasador Republike Češke Jakub Skalník i načelnik Općine Edis Dervišagić.

Cilj je, kako navode na web stranici Općine, smanjiti zagađenje površinskih voda iz industrijskih i komunalnih otpadnih voda rijeke Gradašnica, te omogućiti održavanje i daljnji razvoj industrije u regiji u skladu s principima zaštite okoliša.

Projekt se sastoji iz tri faze, a to su obnova i puštanje u rad postrojenja za prečišćavanje otpadnih voda, obuka zaposlenika firme Komunalac, koji će samostalno i održivo upravljati postrojenjem za prečišćavanje otpadnih voda, te kampanja podizanja svijesti.

Odlukom Vlade Republike Češke, a u skladu s Razvojnou strategijom Republike Češke od 2010. do 2017. godine, sektor vode i sanitacije je izabran kao jedan od pet prioritarnih oblasti za Bosnu i Hercegovinu. Republika Češka je dosad realizovala sedam projekata u navedenom sektoru u vrijednosti od 6.300.000 KM. Ukupna vrijednost projekta rekonstrukcije prečišćivača otpadnih voda iznosi 2.643.610 KM, a od toga Češka razvojna agencija ulaže 2.080.000 KM dok će ostala sredstva obezbijediti općina Gradačac.





OSTVAREN ISKORAK KA ZAJEDNIČKOJ TURISTIČKOJ PONUDI JAJCE I MRKONJIĆ GRADA



U cilju bolje promocije turističkih aktivnosti, povećanja konkurentnosti i privlačenja turista, a samim tim i povećanja prihoda u oblasti turizma, općine Jajce i Mrkonjić Grad će u prvoj međuopćinskoj saradnji napraviti zajedničku turističku ponudu za Plivska jezera i jezero Balkana.

U tom smislu je 4. maja/svibnja u Jajcu potpisan sporazum o provedbi projekta „Unaprijeđenje i promocija turističke ponude u općinama Jajce i Mrkonjić Grad“ koji su potpisali načelnik Općine Jajce, Edin Hozan, i načelnica Opštine Mrkonjić Grad, Divna Aničić.

Međuopćinska saradnja se sprovodi u okviru Projekta integrisanog lokalnog razvoja (ILDP), koji predstavlja zajedničku inicijativu Vlade Švicarske i UNDP-a u BiH.

„Ovaj projekat ima višestruk značaj. UNDP i Vlada Švicarske podržavaju ovaj projekat sa 80.000 KM, koji se dijeli se na dvije općine. Mi ćemo sa tim i našim sredstvima finansirati projekte koji doprinose razvoju našeg turizma i najatraktivnijeg dijela naše općine“, izjavio je Edin Hozan, načelnik Općine Jajce.

„Svako realizuje projekte u svojoj opštini, a zajednički ćemo napraviti promotivne materijale, nastupati na sajmovima i uvijek je lakše raditi u partnerstvu sa nekim. Projektom će se napraviti trim staza sa pratećim sadržajima za vježbanje, sa klupama i osvjetljenjem“, rekla je Divna Aničić, načelnica Opštine Mrkonjić Grad.

Projektom se predviđa izrada zajedničkih promotivnih materijala i zajedničko učešće na dva sajma turizma u BiH. Ukupna vrijednost ovog projekta je 170.400 KM, od čega općine Jajce i Mrkonjić Grad zajednički finansiraju iznos od 85.500 KM, a projekat ILDP 84.900 KM. Ovim sredstvima će se urediti kupališta, napraviti nova trim staza na Balkani i uvesti besplatan internet na Plivskim jezerima.

„Mi podržavamo konkretne projekte koji su proizašli iz integrisanog lokalnog razvoja i aktivnosti u toj oblasti. Projekti iz oblasti turizma su veoma značajni i zato smo podržali inicijativu ove dvije općine“, izjavila je Regula Bähler, savjetnica za lokalnu upravu pri Ambasadi Švicarske u BiH.

Goran Vukmir, šef regionalne kancelarije UNDP u Banjoj Luci, je rekao da je za UNDP ovo dobar primjer kako se može međuopćinska saradnja ostvariti u praksi. „Posebno je važno jer se ostvaruje u sektoru turizma, koji doprinosi razvoju javnog sektora i infrastrukture i otvara mogućnosti za privatne investicije“.

Podrška realizaciji projekata međuopćinske saradnje, koji su od strateškog značaja za lokalne samouprave u BiH, jedna je od aktivnosti ILDP-a, te su putem Javnog poziva početkom 2015. godine odabrana četiri projekta međuopćinske saradnje. Ukupna vrijednost tih projekata iznosi 700.000 KM, od čega jedinice lokalne samouprave i njihovi partneri na projektima snose dio od 363.000 KM, a Vlada Švicarske kroz ILDP iznos od 337.000 KM.

POTPISAN UGOVOR O IZGRADNJI KANALIZACIJSKIH KOLEKTORA U TOMISLAVGRADU

U Tomislavgradu je 22. aprila/travnja potpisan Ugovor o izgradnji kanalizacionih kolektora i rekonstrukciji vodovoda vrijedan više od 3 miliona konvertibilnih maraka.

Ugovor su potpisali općinski načelnik Ivan Vukadin i Ladislav Bevanda, u ime konzorcija Hering d.d. Široki Brijeg – Livnopotovi d.o.o. Livno, navodi se u saopćenju iz Ureda načelnika Općine Tomislavgrad.

Potpisanim ugovorom predviđena je izgradnja glavnog kolektora u dužini od 621 metara te izgradnja kanalizacije i rekonstrukcija vodovoda gradskih ulica dužine od 4.485 metara.

Na početku svečanosti potpisivanja ugovora prisutne je pozdravio Nedžad Nuhić, pomoćnik načelnika za planiranje i razvoj, ujedno i predsjednik općinskoga tima za provedbu projekta vodovoda i kanalizacije (PIT). Na svečanosti su se obratili i predstavnik konzorcija izvođača Ladislav Bevanda i načelnik Općine Tomislavgrad Ivan Vukadin.

Uz ovaj ugovor, u toku je izvođenje još jednoga ugovora vrijednoga 2.013.774,49 KM o izgradnji kanalizacije i rekonstrukciji postojećeg vodovoda kroz nekoliko tomlavgradskih ulica.

„Ovaj projekat ima višestruk značaj. UNDP i Vlada Švicarske podržavaju ovaj projekat sa 80.000 KM, koji se dijeli se na dvije općine. Mi ćemo sa tim i našim sredstvima finansirati projekte koji doprinose razvoju našeg turizma i najatraktivnijeg dijela naše općine“, izjavio je Edin Hozan”



Sa potpisivanja ugovora

U DOBOJ JUGU VOLONTERSKOM AKCIJOM OBILJEŽEN DAN PLANETE

Na centralnoj manifestaciji koja je održana u srijedu, 22. aprila/ travnja u Mravićima (Općina Doboju Jug), a povodom Dana planete Zemlja, okupio se veliki broj volontera ne samo sa područja ove lokalne zajednice u akciji čišćenja javnih površina od smeća u Doboju Jugu. Među volonterima bili su i učenici sa nastavnici O.Š. „21. mart“ Matuzići, uposlenici organa uprave, grupa radnika preduzeća



Bosnaexpres koje je

besplatno ustupilo na raspolaganje dva autobusa, Dobojuputevi, JKP VIS, nevladine organizacije i M.Z. Matuzići, te članovi Foruma mladih SDPBiH iz ove općine. Njima se pridružila grupa od 30 pripadnika OSBiH, četrdesetak predstavnika američke ambasade u BiH na čelu sa ambasadoricom Maureen E. Cormack, članovi NATO štaba za BiH, predstavnici UNDP-a, CRS-a i građani Doboju Juga. Učešće je uzelo ukupno oko 900 volontera koji su čistili područje Doboja, Doboju-Juga i Maglaja. Akciju čišćenja organizovao je Ured vojnog atašea Ambasade SAD u BiH brigadir Scotta Miller, a inicijator i pokrovitelj je ambasadorica SAD-a u BiH Maureen E. Cormack.

Na početku ove eko-akcije govorili su, u svojstvu domaćina, općinska načelnica Doboju Juga, Jasminka Begić, gradonačelnik Doboja, Obren Petrović i načelnik Maglaja, Mehmed Mustabašić.

Načelnica Jasminka Begić izrazila je zahvalnost ambasadorici SAD u BiH na inicijativi za provođenje ove akcije, te se zahvalila američkoj vladi što je prva pružila pomoć građanima BiH (a samim time i Doboju Juga) nakon lanijskih majskih poplava. U smu govoru, načelnica je posebno naglasila nužnost izgradnje svijesti kod svakoga od nas kazavši da je „neprocjenjiva uloga obrazovnog sistema koji mora promovisati načine ponašanja kao što su ušteda energije, pravilno odlaganje smeća, racionalno korištenje vode i niz drugih mjera, što će biti dobar primjer za generacije koje dolaze“, kazala je načelnica Begić.

Gradonačelnik Doboja, Obren Petrović izrazio je nadu da se ovom volonterskom akcijom uradi što više posla na čišćenju smeća, „nakon godinu dana krećemo i sa akcijom čišćenja rijeka Bosne, Usole i Spreče. Sigurno će nam ova aktivnost biti podstrek da nastavimo sa čišćenjem“, rekao je Petrović. Posebno je zahvalio USAID-u koji je pružio pomoć Doboju, nakon prošlogodišnjih poplava.

Mehmed Mustabašić, maglajski načelnik naglasio je da omladina iz Maglaja doprinosi čišćenju grada te se nada da će akcija biti uspješno okončana.

Njena ekselencija Maureen E. Cormack, pozdravljajući volontere, dva načelnika (Jasminku Begić i Mehmeda Mustabašića) i gradonačelnika Doboja Obrena Petrovića rekla je riječi hvala za podršku ovoj akciji i naglasila: „Hvala svim volonterima koji su se pridružili akciji. Svi sjajno izgledaju u majicama na kojima piše „Zajedno postižemo više“, kazala je američka ambasadorica u BiH Maureen Elizabeth Cormack.

Organizacija CRS je u potpunosti pratila ovu akciju potrebnom logistikom. Sa terena podaci govore da je sakupljeno više tona odbačenog otpada koje se razvrstavalo na mjestu sakupljanja.



Obraćanje načelnice Begić na otvorenju manifestacije

KORISNI LINKOVI ZA PREDPRISTUPNE FONDVE EU:

www.southeast-europe.net
www.adriaticpacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmemed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

ODRŽANA VIŠEDNEVNA RADIONICA NA TEMU: “ULOGA ŽENA U POLITICI JUGOISTOČNE EVROPE”

U organizaciji Švedskog Međunarodnog instituta za razvoj lokalne demokratije iz Štokholma i načelnice Općine Doboju Jug, u Banji Vrućici održana je višednevna radionica na temu učešće žena u politici, odnosno u zakonodavnoj i izvršnoj vlasti. U ovaj dvogodišnji projekat uključene su žene koje vrše neke od političkih uloga iz dvadesetjedne zemlje Evrope.

U utorak, 28. aprila/travnja su učesnice ove radionice, njih trideset iz Švedske, Njemačke, Moldavije, Srbije i Bosne i Hercegovine posjetile Općinu Doboju Jug gdje ih je općinska načelnica Jasminka Begić upoznala sa organom uprave ove općine kojim rukovodi.



Učesnice radionice u posjeti Općini Doboju Jug



Kako su izjavile općinska načelnica Jasminka Begić i voditeljice ovog projekta i moderatorice radionice švedanke Kristin Ekström i Susanne Nordling, ovaj projekat ima za cilj animiranje žena u čitavom svijetu za što veće učešće u javnom prostoru, jer su očite velike razlike od zemalja do zemalja. Tako su u Švedskoj, na čelnim izbornim pozicijama općina jedna trećina su žene, skoro četrdeset posto su u zakonodavnim strukturama zemlje, što to nije slučaj kod većine zemalja Jugoistočne Evrope. Uskoro će uslijediti nastavak ovih radionica gdje će domaćin biti Švedska. Osim edukativno-informativnog karaktera ovaj projekat ima za cilj bolje međusobno upoznavanje i zbližavanje žena iz različitih kultura i tradicija. Nakon obilaska prostorija općine Doboju Jug u kojima je smještena općinska administracija, gošće predvođene načelnicom Jasminkom Begić posjetile su OŠ „21. mart“ gdje ih je direktor Amir Bečić upoznao sa aktivnostima ove vrijedne obrazovne institucije.

OBJAVLJENE KONAČNE RANG LISTE PO OSNOVU JAVNIH POZIVA - LOD IV

Projekat Jačanje lokalne demokratije/demokracije IV – LOD IV objavio je konačne rang liste projekata za šest partnerskih općina, a na osnovu Javnog poziva organizacijama civilnog društva/nevladinim organizacijama za predaju prijedloga projekata u sklopu projekta LOD IV.

Opći cilj projekta je doprinos demokratskoj stabilizaciji, pomirenju i daljnjem razvoju BiH kroz podršku odabranim JLS-ovima u uspostavljanju boljih odnosa između lokalnih vlasti i civilnog društva, te transparentnoj raspodjeli budžetskih sredstava namijenjenih za OCD.

U projektu LOD IV učestvuje 12 jedinica lokalne samouprave. Na osnovu preporuke Delegacije EU u BiH, u junu 2014. godine šest JLS je direktno odabrano za učešće, i to: Bijeljina, Doboju, Domaljevac-Šamac, Maglaj, Šamac i Žepče, a JLS koje su izabrane putem Javnog poziva (partnerske općine) su: Berkovići, Cazin, Novo Sarajevo, Kotor Varoš, Šekovići i Visoko.

Konačne rang liste mogu se pogledati na web stranicama partnerskih općina, ili klikom na sljedeće linkove: [Opština Berkovići](#), [Opština Kotor Varoš](#), [Opština Šekovići](#), [Opština Visoko](#), [Opština Cazin](#) i [Opština Novo Sarajevo](#).

Projekt „Jačanje lokalne demokratije/demokracije IV – LOD IV“ je projekt koji sprovodi Razvojni program Ujedinjenih nacija (UNDP), a kojeg finansira Evropska unija iz sredstava Instrumenta za prethodnu pomoć (IPA) u iznosu od 2 miliona eura. Savezi općina i gradova FBiH i RS-a su partneri LOD projekta, koji su nakon uspješne saradnje u prethodnom ciklusu projekta, aktivno uključeni i u realizaciju četvrte faze LOD-a.



Projekat finansira
Evropska unija



Ministarstvo pravde
Bosne i Hercegovine



Empowered lives.
Resilient nations.



Savez općina i gradova
Federacije BiH

OTVOREN TREĆI POZIV ZA PRIJAVU PROJEKATA U OKVIRU PREKOGRANIČNOG PROGRAMA BIH - SRBIJA



Delegacije Evropske unije u Republici Srbiji i Bosni i Hercegovini u saradnji sa Kancelarijom za evropske integracije Vlade Republike Srbije i Direkcijom za evropske integracije Bosne i Hercegovine objavljuju poziv za dostavljanje prijedloga projekata u okviru Prekograničnog programa Srbija – Bosna i Hercegovina. Poziv će biti otvoren do 20. 07. 2015. godine.

Povodom objavljivanja Trećeg poziva Kancelarija za evropske integracije Vlade Republike Srbije u saradnji sa Direkcijom za evropske integracije Bosne i Hercegovine uz podršku Zajedničkog tehničkog sekretarijata, organizovala je 29.04.2015. u Beogradu, u Domu omladine svečanu konferenciju. Tom prilikom predstavljen je i primjer dobre prakse prekograničnog partnerstva u projektu Uspostavljanja sistema primarne selekcije otpada u školama u Užicu i Tuzli.

Kao dio aktivnosti vezanih uz objavu Trećeg poziva na prijavu projektnih prijedloga za Prekogranični program Srbija - Bosna i Hercegovina 2007-2013, organizovani su informativni dani u Beogradu (29.04.), Valjevu (30.04.), Srebrenici (5.05.), Šabcu (8.05.) i Brčkom (12.05.).





Musala 5/1

71000 Sarajevo

Telefon: ++387 33 216 502, 209 024, 209 120

Fax: ++387 33 552 810, 216 502

E-mail: dino@sogfbih.ba

Pratite nas na:

Gledajte Savez općina i gradova Federacije Bosne i Hercegovine na



Pratite Savez općina i gradova FBiH na



Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu prosljedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.

POZIV ZA NOMINACIJU GRADOVA ZA MEĐUNARODNU NAGRADU “SVJETSKI GRAD”

LEE KUAN YEW
WORLD CITY
PRIZE 2016

Direkcija za urbanu obnovu Singapura (URA) je putem Ambasade Bosne i Hercegovine u Džakarti uputila poziv za nominaciju gradova iz BiH za međunarodnu nagradu Svjetski grad koja nosi ime nedavno preminulog premijera nezavisne države Singapur Lee Kuan Yew-a. Organizatori za dodjelu nagrade su pomenuta Direkcija i Centar za gradove podesne za stanovanje (CLC). Nagrada se dodjeljuje svake godine i

njome se odaje počast gradovima i njihovim liderima i/ili organizacijama za dobro upravljanje i inovacije u transformaciji njihovih urbanih okruženja. Dosadašnji dobitnici nagrade koja je utemeljena 2009. godine su: Vijećnica grada Bilbao, Španija za 2010. , New York za 2012. i Suzhou, provincija Jiangsu, Kina za 2014. godinu.

Procedura za nominaciju kandidata za nagradu za 2016. godinu je otvorena i traje do 29. maja/svibnja. Dobitniku će biti nagrada zlatna medalja, certifikat i novčani iznos od 300.000 \$ koji dodjeljuje Keppel korporacija, a nagradu može preuzeti gradonačelnik ili predstavnik grada. Organizatori također žele podstaći nominaciju pojedinaca i organizacija koji su uključeni u uspješnu transformaciju nagrađenog grada, a kojima će priznanje biti uručeno na svečanosti dodjele nagrade.

Detalji o nominaciji mogu se naći na web stranici: <http://www.leekuaneyewworldcityprize.com.sg>

